

GRATIS BRUK AV UNDERVISNINGSLOKALER

Ny Lov om vaksenopplæring og nye føresegner gjeldande frå 1. januar 2010

Etter ny lov om vaksenopplæring, som trådte i kraft frå 1. januar 2010, skal arrangørar med statleg tilskot etter denne lova ha fri tilgang til offentlege undervisningslokale (gjeld kommune, fylkeskommune og stat), det vil sei at lag som er tilslutta eit studieforbund og får tilskot etter VO-lova har krav på gratis lokale til opplæringsformål /øving.

§ 7. Gratis bruk av undervisningslokaler

Undervisningslokaler der driftsutgiftene dekkes av det offentlige, skal etter søknad stilles vederlagsfritt til disposisjon for studieforbund og medlemsorganisasjoner ved avholdelse av kurs med tilskudd etter kapittel 2 i loven. Departementet gir nærmere forskrifter.

Føresegnene presiserar lovteksten slik:

§ 10. Gratis bruk av offentlige undervisningslokaler

Når det avholdes kurs med tilskudd etter kapittel 2 i forskriften, skal arrangøren ikke belastes utgifter vedrørende lokaler, lys, varme, renhold, tilsyn og bruk av utstyr i lokalene. Første punktum gjelder kurs som avholdes på hverdager i undervisningsåret, undervisningsferier unntatt, og ikke varer lenger enn til kl. 21.00. For utlån ut over dette må det treffes særskilt avtale med lokaleier. (utdrag)

Mange kommunar er i den situasjon at dei har bygd meir tidsmessige kulturhus og ønskjer å samle flest muleg av kulturaktivitetane i desse lokala. Dette for å sleppe nye rommessige og akustiske investeringar i eksisterande skulelokale , for å utvikle kulturhusa som møteplass og ikkje minst for at aktørar kan få øve i rom som er akustisk tilpassa aktiviteten. Det er også ein stor fordel for aktørar å øve i det rommet som skal brukast til konserten. Det kan i mange høve vere ei føremon for kommunen å spare ekstra utgifter til vask og tilsyn av skulelokale på kveldstid ved å legge til rette for slike aktivitetar i kulturhuset. Kulturhusa har vanlegvis lenger opningstider og er bemanna på kveldstid.

Mange kulturhus er brukt til undervisningsformål og vil vere dekkja av §7 i lova.

Som paraplyorganisasjon for musikk- og kulturlivet i fylket ville me syns det var synd om det vesle hånslaget som staten har gitt VO-arrangørar skulle redusere driftsinntektene til kulturhusa og forringe kulturhusa si rolle som kulturaktør og møteplass i kommunen.

Me ber difor aktørane og kommunen om å notere seg punktet om gratis lokale i den nye VO-lova. Mange kommunar er i ferd med å utarbeide nye plandokument for kultursektoren. Det ville vere både ønskeleg å naturleg å utforme retningslinjer for bruk av kulturhuset til øving og framføring i kulturplanen.

Telemark kulturnettverk

Kjell Stundal
dagl. Leiar

Sarke Veum
styreleiar